

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

CT
1848
C55K33
1909

EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

gift



Digitized by the Internet Archive
in 2018 with funding from
University of Toronto

<https://archive.org/details/kahnsilgi2kwn008800>

稼隱實記
單

NO LONGER PROPERTY OF
HARVARD-YENCHING LIBRARY
HARVARD UNIVERSITY
2 DIVINITY AVENUE
CAMBRIDGE, MASSACHUSETTS
DEC 12 1968

稼軒實記序

晉陽軍栢谷之陽多溪齋愛
士郊居澆饒陰居好學甚為
一時學步之推借未幾其
為人而末及一尺予人沒矣其孤
澹永初為表經奉其遺文謁

郭濯及栢洗之為又踵余而告
之曰長子先君之四形交也結一
劫造大父稼軒公之實記先君之
手誥也未及年先君之四教以爲
長子之業余勉就悅存正而今乃
讀其文而見其人也且夫子學淺

之精以誼之爲善以爲四業

於家庭而余又得兄稼軒公

之爲人也世之採鈔之士或以爲

辭略一時或以徑水自居剽竊

古人糟粕爲海上學士方爲向

人作搯飯地又或以水鯉雪

第亦此孝之可於心孝子
慈孫壯其事而照人耳目
夷改其實而實德吾又未
其多與不曾有之也公躬耕
以耆親未孝大肆力少學文
而其實心以已一出於天性

正弱然見其至誠惴惴之意

而豈一毫人偽詐較而參錯之

至予親也曲意求明積誠修

奉以盡其子儀其友之書也至

令陳墨跡其祭先也御家

也持人也豈多大人至以

而曰直做去未見毫髮一事之
勉強而不減去三十日後如受
小學必以知爲人多方求讀考
書及大學曰爲己之道爲學
之法在是公程此已見大旨而
乞其乞表之裝自合程多宜

不逮乎規矩等度之中其祝
時之人一時之鬼物一子之私
異而卒其袖於諸家祕笈之
後者其甚遠之乎而後之君
子人也士林同輩之勸善者
通施於寰宇之理宜固然而

於公未必多和公修身積德
成德詩充家之史而見公賢焉
不拜使夫同志之人悼於學之
孤而益與儔焉此朱夫子所以
發疑步石君之雲溪而濟鎔
及孟子二人者而賢焉稼軒

公之昭示其在斯與余以
四載于中步履之公之實記
多遂以勉夫公遠商云甫

歲己酉季秋望仁中張錫英

序

稼軒實記目錄

卷之一

世系圖

詩

題稼軒壁上

次呈河丈慶七壽宴韻

挽族姪泰銘

挽李文福汝錫周

挽曹華益旭振

祭文

祭外舅柳公聖禧文丁丑

祭內舅孫公忠震文庚辰

再祭內舅孫公文壬午

卷之二

附錄

題稼軒二首

謹次稼軒壁上詩

挽章

祭文

呈本州狀二度

呈巡營狀

禮曹立案

禮曹關文

教旨

旌閭記

告墓文

家狀

遺事

行狀

墓碣銘

金序

稼軒實記目錄

墓誌銘 金序

墓表

傳

指南齋記

跋

稼軒實記目錄

稼軒實記

世系圖

鄭氏貫慶尚道延日縣縣有烏川

水故故號烏川

二世 三世 四世 五世

鄭襲明

子慶均

子謙牧

子麟信

子之泰

高麗睿宗

朝文科樞

密院知奏

事號榮陽

○享延日

烏川書院

衡尉注簿同正

內侍注簿同正二子麟信次延

太學博士贈帳籍云奉尉同正子之泰

典書贈帳籍云注簿同正子宗興

六世

七世

八世

九世

十世

子宗興

進賢館提學贈帳籍云中頭大夫監門衛大護軍子林

子林

奉翊大夫版圖判書二子仁壽仁彦

子仁壽

檢罷監贈奉翊大夫開城尹上護軍子裕

子裕

直長同正贈奉翊大夫密直副上護軍○配谷山公氏金吾衛大將軍丹瑞女子云

子云璿

成均贈真德守義勤翊祚功臣壁上三韓三重天匡守門下侍中兵曹判事上護軍領景靈殿事日城府院君○配卞韓國夫人永川李氏署承約女四子夢周過厚蹈

十一世

十二世

十三世

十四世

十五世

子夢周

子宗誠

子保

子允寬

子增

字遠可號

我朝通

號壹谷進

字而栗司

字彥謙虞

圃隱純忠

政大夫吏

士通訓大

馬贈通

侯贈嘉

論道同德

曹參議○

夫司憲府

政大夫刑

善大夫兵

佐命功臣

配運昌郡

藍察

曹參議

曹參判

壁上三韓

夫人竹山

肅宗朝特

配贈淑

配贈貞

三重大臣

朴氏提學

贈通政大

夫人坡平

夫人江南

守門下侍

仲容女子

夫吏曹參

尹氏通替

李氏司正

中益陽郡

保

議○公同

惟孝女六

韓拔女嗣

忠義伯贈

堅

坐○臣獄

子堅遠增

子世弼

太宗朝贈

而

以先臣生

均塹塹

子

大匡輔國

特命

光祿廟

均塹塹

子

崇祿大夫

配

丹城○死

均塹塹

子

領議政府

配

淑夫○死

均塹塹

子

事益陽府

配

淑夫○死

均塹塹

子

院君謚文

配

淑夫○死

均塹塹

子

忠從祀

配

淑夫○死

均塹塹

子

家千寶已世系圖

二

子

慶州李氏

判事士贊

女二子宗

誠宗本

十六世

子世弼

生父堅字

伯勳號林

軒通政大

夫慶尚左

道兵馬節

度使○配

貞夫人江

陽李氏參

奉浩女子

萬齡

十七世

子萬齡

武科奉直

郎碧沙道

察訪○配

東萊鄭氏

宗賢安二

子思忠思

恕

十八世

子思恕

字推夫武

科折衝將

軍多大浦

節制使

贈嘉善大

夫兵曹參

判○配

贈貞夫人

義城金氏

貫一女子

暄

允寬

十九世

子暄

字孝昇号

學圃行誼

薦朝奉大

夫靈山縣

監○配南

平文氏同

知中樞弘

遠文六子

迺慶迺序

柝迺度延

厦迺年

二十世

子延厦

字庇卿

配金海許

氏攀女系

配驪州李

氏惟章女

二子泰履

中履

二十一世

子泰履

字大來

配昌寧成

氏直俠洙

泳女二子

洪新洪仁

二十六世

子煥駿

字雲用

配安東權

氏以樞女

系配密陽

孫氏應明

女三子漢

二十二世

子洪新

字汝常

配咸安趙

氏昌胤女

系配密陽

朴氏再泰

女子道震

二十七世

子碩基

字國瞻郎

稼軒公

二十三世

子道震

字聖彬

配晉陽河

氏四章女

二子最益

後益

二十八世

子濟鎔

字亨楷號

溪齋○配

晉陽河氏

斗源女三

子仁永德

永夏永

二十四世

子最益

字文述

配密陽朴

氏鳳朝女

嗣子學采

二十九世

子仁永

字善夫

配陝川李

氏志浩女

三子幼

二十五世

子學采

生父之益

字悅甫

配晉陽河

氏聖龍女

三子煥鵬

煥駿煥嗣

基值基願
基

子德永

字直夫

配晉陽河

氏副司勇

龍義女

子夏永

字忠夫

配商山金

氏肇磁女

稼軒實記卷之一

詩

題稼軒壁上

養親耕前野慕聖讀古書其餘難力致一生此
兩居

次呈河文

慶七

壽宴韻

自孩至老計行年百福無如一壽先貞孟良辰
今再至葆真元氣又兼全嘉賓北海朋樽舉孝
子南陔彩服連佳婦迎新相並日更將滄瀨設
懽筵

挽族姪泰銘

蕭灑曾襟愷悌形芝蘭古室益芳馨生芻空谷
遺精采寶樹名家有典型尚憶孤山同蠟屐那
知君子遽晨星人間往復何須說儘覺全歸是
沒寧

輓李丈福汝

錫周

閒中氣味葆淳真今我於公見古人九耄康寧
天降爵一家勤儉世安貧詩書滿架遺謨遠琴
酒迎賓屬意新庭有雙蘭誠且孝也應無憾大
歸辰

輓曹華益

旭振

冥翁家裏有賢孫自是鄉隣齒德尊
聖代恩綸安養老名門緒業裕詒昆
荆殘同日偕期逝蘭萎當年逆理冤
可惜雪山梅下路輶車軋軋暗消魂

祭文

祭外舅柳公

聖禧

文

丁丑

嗚呼淑氣儲精篤生我公溫良其質淳篤其工
和粹其容謹飭其躬以之居家克孝克弟以之
居鄉克仁克惠渺余小子猥以無似幸升公堂

飲仁飽義以公之仁謂享遐壽如何一疾華扁束手一聲長痛青山欲裂靈如不昧庶幾來格

祭內舅孫公

忠震文庚辰

嗚呼公之在世精粹之質篤實之行勤儉之德仁孝之實處世而夷險如一之節接人而終始不二之操不可屈之志不可窮之辯此鄉黨知舊所共稱頌者無容小子之贅爲而所可道者小子無狀早失所怙以公之故僦寓渭濱余三昆季俱在髫齡冬溫而泣寒年登而啼飢傷哉貧也誰救誰恤繫惟我公視若已出寒我衣之

飢我食之愚我誨之迷我指之撫之育之提之
攜之凡使吾昆季不至散之四方而及今老大
猶得齒於人類者皆公之力也彼世之人或以
錢財相爭兄弟爲路人至親爲仇讎者視公爲
如何也隔溪相候以慰母心謂余情私共祝遐
壽造物惡圓神道難諶悠悠蒼天此何人哉嗚
呼公視猶子我莫父視續不及屬飯不及含幽
明之間辜負良深嗚呼哀哉嗟我衷曲難以詞
達日月流邁琴瑟在卽敢陳微誠靈庶來格

再祭內舅孫公文

壬午

苑彼密城哲人世作詩禮之門忠武之宅有赫
八龍荀氏無作承承繼繼圭組奕奕迄我舅氏
天賦孔卓儲精毓英曰惟方嶽比彼大廈衆材
縱橫公在其中鬱爲幹楨平生云爲動出天真
以誠以實不設畦畛賙貧恤窮范公義田攜朋
會友文物煥然小齋書聲聽若管絃杖履于于
和氣洋洋鄒黨二達箕範三康仁者必壽請質
彼蒼嗟余小子在襁卽孤兄弟三人泣血呱呱
踽踽涼涼擿埴冥途拊我畜我伊誰之力生我
者母舅則我育傷哉吾貧非舅誰托朴哉吾性

非舅誰責肆我虔祝萬壽無疆云何一夕遽返
帝鄉昊天曰明有善靡負縱嗇於前必厚於後
蟾江之原宿草如濡方春夏交萬物咸甦哀哀
我舅曷日言旋感物悲傷有涕涓涓

嗚呼此我先君手蹟也先君少困貧躬躬耕
養親不暇讀書晚始就學而專力躬行不事
著述其有所述者皆不得已也然又不以著
述自居故所作多散逸不傳不肯孤於古笥
敗紙中得詩文若干篇不忍再讀冠于實記
之首嗚呼文豈多乎哉世有具眼者卽此一

齋而先君之全鼎可知矣摩挲手澤唯有窮天之淚而已丁酉四月吉不肖孤濟鎔泣血敬書

稼軒實記卷之一

稼軒實記卷之二

附錄

題稼軒二首

成采奎

愛君家塾壓溪傍空翠涓涓枕簟涼圖史一
充棟宇江山六偉奏兒郎石棧行花春滿櫞風
欄聽水夜移床努力經畱惟古意佇看蘭蕙有
芳香

圃翁賢裔樂居貧爨黍魚雞孝養親似勝東京
茅李偉一盤魚果餉來賓

謹次稼軒壁上詩

許愈

飽識稼軒老養親又讀書嗟余已不及膏秣從
誰居

郭鍾錫

養體在耕野養志在讀書冥翁方丈壑烏川孝
子居

李道默

竭力有秋穡研精暇日書簿採南陔草晨昏在
彼居

金秉淳

終身孝子慕餘力古人書惟有降監在天王接

起居

河龍濟

朝耕方丈野暮讀古人書
董生豈專美復見鄭公居

李鍾午

董生朝耕野李偉晚讀書
誰云知德少今世古人居

趙貞奎

荒田父母土嘉訓聖賢書
我耕我且讀此樂更何居

崔台永

稼老平生事耕田又讀書孝心堅似石擇地奠
幽居

河憲顧

朝耕匡聖里夜讀董生書萬疊烟雲裏人稱孝
子居

安鍾彰

竭力有餘力我田復我書自愛軒名好百年堪
起居

河鳳壽

嗟哉鄭孝子當求於古書獨愛安豐裏董生有
隱居

金永著

竭力耕舜野養志讀鄒書猶且持謙德孝名不
自居

挽章

成采奎

循循好善見心真天賦寧馨是近仁不暇讀書
知大節無遺賙廩軫窮親萱堂溫淨俱兄弟橡
屋逢迎有主人誰想慈情難設地此行不得少
逡巡

烏啼浚巷愛君家憶昔憧憧訪北涯送客亭前
流水去夕陽漁唱不成歌

河慶七

先誼源源晚結姻常從暇日往來頻王祥抱樹
丹香在姜氏聯袂白髮新兩地追遊渾似夢百
年憂樂更誰因佗日西遊方丈下慇懃無復送
迎人

河允範

頭流山下一茅屋溫玉其人隱逸倫青氈舊業
忠移孝素履行藏德潤身韋老殘經遺教日敬

姜涕淚不堪晨自此儀形何處覩空樑落月倍傷神

柳炳基

圃老啓門闌積慶裕後昆惟公能繼述躬修百
行源穀水仲由家書燈董生村五旬纔免天九
泉柰訴冤不復聞箴曲空餘結杜樽回首舊遊
處黃花正惱魂

河弘運

家居施政立根基模索平生事業奇款客琴書
終日以聯床圭復百年斯教子殘經貽厥遠貴

園真樂復奚疑溪上徊徨人不見斜陽隣笛數
聲悲

柳玄奎

橡屋方壺竹樹幽高人清趣竟難儔郊節序
艱成業吳郡田庄義起疇愛日平生常有懼蒼
天何事不曾畱先君泉下如相見說到吾家仔
細酬

李鍾午

風聲江右數公先圃老家中有肖孫桐柏山青
耕董孝荆花春紫見田門君子終歸三路歎榮

昆繼述一家尊山南行道無從涕井轄當年誰
復存

族姪歡鎔

敦睦吾門盡說公滿堂和氣囿春風玉祠明月
孤亭雪花樹高樽誰與同

姜汝欽

六十年非乏於公少享年篤親嗟白髮有子泣
蒼天爲仁何所得此理本茫然人去高風在祇
應野史傳

李志浩

方丈秋風路爲誰發
薤歌蛟駒無復繫生芻在
彼阿以公誠孝篤辭世果何之
泉臺今日路忍說八旬慈結交身居敬爲仁案有書規模期遠
大真是錫類餘

河斗源

采薪今江革撫背古君實
孝友誰復存回首空

秋日

琴書期歲晚言行覺天真
如有韓博士應不負若人

金柱一

惟公眞難儔孝弟自爲業勤穡數畝田藏書三
間屋學文是餘事四十下經幄藏修豈無所晚
掃一書室余自髫齡日幸得芳隣結勸我常謹
慎十年隨側讀余家多冗故分離幾歲月南征
復北還晉拜亦疎闊如何一疾崇理數終難復
以若如公孝未躋仁壽域白首倚門閭含冤八
地日遙想泉臺下應不自遑恤痛哭仰蒼天悲
風何栗烈

孫尚源

一見知君德性全逍遙泉石便忘年養親不以

三公換篤友誰能一枕連樵山合撰韓公筆供
客方知李偉賢壺裏山川精采晦餘生從此悵
無緣

李潤榮

圃雪家中積餘慶一生孝友自來規事親竭力
供甘旨教子趨庭說禮詩稼穡勤勞非自養林
泉遐邇不求知哲人逝矣將安仰數幅荒詞哭
我私

祭文

柳玄奎

歲序大淵獻月律林鍾嗟我妹壻烏川鄭公之

暮祥奄在於初吉丁亥也前日夕晉陽柳玄奎
謹具數品奠再拜奉侑于靈筵之前操文痛哭
起而言曰嗚呼幹局非學而致天也操履隨知
而確人也得於天者既厚生非罔也行乎人者
既篤歿亦寧也敦四物於居家孝也友也睦也
嫻也服二道於平生儉也勤也富豈求歟福自
臻也窮必周焉義則然也置土而掃先塋追遠
之誠也買經而盈于家教子之方也嗚呼哀哉
昔暹兄而登我床僂墳簾之和也每迎我而入
兄室若琴瑟之鼓也我奄哭於風樹嗟天命也

兄忽歌於莊盆曾是夢也黔驢猜歟難必者人
事也磨蝎戲歟莫測者命途也白髮臨於高堂
紫荆泣於後園兄忍舍而安之也隻影踽踽焉
疇爲之矜貧窶戚戚焉誰爲之怛是余之私也
歲月欺我奄至祥也俗故縛人未伸情也惟酒
惟果奠今夕也如上如在庶歆格也

河慶七

嗚呼哀哉惟靈烏川舊閤圃翁靈苗溫良其質
峻潔其貌天庸玉成少也貧窶母氏在堂昆季
俱蒙家徒四壁我廚幾空乃遷我舍曰渭之陽

毀車裂裳乃服田疆蕭然野巾卽一田岷山樵
水漁同我弟兄我寒無衣百結其鵲瞻彼北堂
綿衣繡綌我飢無食千呼其庚瞻彼北堂鸞胎
鳳精矧又親疾十年膏肓軒扁却顧奔走蒼黃
公不離側苦心血誠十載一日不遑自寧定非
誠孝上通于天安得沉疴勿藥自痊雪鯉冰筍
古亦有言一事之奇容或有然我視吾公一善
難名衆美畢集孰與公京處家之勤持身之潔
克友克弟乃嫺乃睦四十知非乃下經幄朝暮
聖賢仰忠俯讀父子君臣今乃大覺忠前之爲

昭然契合不厭不措自信益篤造次顛沛豈敢
自逸學莫如公公謂未學齋我素志以卑後昆
後昆克肖能世家傳事親既孝教兒既義展如
之人允矣君子嗟余謫劣自附昏因樽酒琴書
月夕風晨誼重鮑管情則朱陳子蛩我縻子韋
我絃謂余蒲質俾公哭余豈意今日公先我歸
生順死安在公無嗟踽踽隻影我則柰何泉下
相從知在朝夕不昧者存其庶來格

李顥柱

嗚呼公兮膺運以生今世月評古家風聲圍老

學翁家庭淵源公能趾美不墜家傳孝友之行
忠厚其言早謝塵紛來奠僻陋并州菟裘亦云
厥久教子有方箱盈韋經睦族以義里開范庄
車轍聞風日滿高堂陳轄爭投孔樽不空以余
無似出八公門仁以詔之義以勉焉情私所及
只祝遐齡丙年慘酷劫界滄桑司命在天怨尤
何及齋志以逝孰不悼惜經營設施百不一遂
中道拋擲猶屬餘事可憐萱闈八十行年朝暮
門閭望眼欲穿白髮荆園痛及割半孔懷莫逮
塤篪聲斷慈呼兄哭行路涕泣以公仁孝舍此

安適第可慰者餘慶綿綿一胤克肖竭力述先
庶無忝生是謂續似三或成行鸞停鵠峙能解
文字粗識節禮公若在堂津津其樂造翁多猜
天理難測禮制有限几筵將撤今焉已矣千古
永訣

族姪歡銘

嗚呼痛矣吾家自圃翁以來忠孝相傳爲箕裘
舊業惟公孝弟人多稱頌而自我觀之眞無愧
爲我家人而其溫良之質卓絕之識接人之和
居鄉之謹不可奪之志不可犯之義求之我家

亦絕無而廬有者也今其已矣吾又安從而得之也如此則吾又安得不大聲長慟以哭我之私也不昧者存庶幾來享嗚呼哀哉

呈本州狀

三壯里居幼學曹錫奎鄭奎錫柳炳祚謹齋沐再拜上書于城主閣下伏以旌淑舊典也勸善美政也欲求淑善之行必自孝弟始欲行旌善之政舍孝弟奚以哉本里故士人鄭漢基碩基卽圍隱文忠公耳孫也早孤不天偏慈孫氏常患風眩中身轉劇十年床褥而同兄弟至誠侍

湯夏日冬夜暑雨析寒未嘗離側滫瀡之具刀圭之奉暫不任於妻孥雖一夜百起必以身之至於中衣糞穢者未嘗委於婢僕而澣之必以手焉凡於僂身之方適口之物無所不用其極是以邇而僮僕隣而親戚遠而一方之人因不曰二子孝子也若使國人皆見之則必無間言矣孝子又出於忠臣之門正所謂醴泉有源靈芝有根者也嗚呼血誠所格孫氏竟能回春享年九十而二子積傷十年因疾不起天之報施何如有憾也噫世之言孝者不究實行之如

何而必求感應之有物故舉皆曰冰鯉也雪筍也閔子曾子之孝見許於聖門而不言感應之有物則豈必以感應之有無爲斯孝之優劣哉且况十年長病至誠供奉竟享九耄之壽則其爲孝感豈在於冰鯉雪筍之下也哉碩基其生前隣舊多有闡揚之意來言此則輒曰人子事親無過分之事對我言此非勸善也實沮人子欲孝之心也云故一方知舊尚今含默者此也董生之孝昌黎序之紀烝之行刺史表焉彛衷所好古今同然茲敢齎聲仰籲于孝理明政之

下民等之言非阿私也實公議也伏願特加旌
勸之澤使漢基頌基俾蒙不朽之典以爲樹聲
之地千萬祈祝恭俟之地謹冒昧以陳城主閣
下處分戊子十二月日後幼學沈履澤曹璣承
李鍾午等四十八員

題音聞極欽嘉而褒揚之節益俟公議向事

又呈本州狀

幼學曹錫奎鄭奎錫鄭光賢齋沐謹再拜上書

于城主閣下伏以

以下狀辭略同

壬辰四月

日後河慶必全柱一孫忠翼鄭雲教進士具述

祖等七十八員

題音聞極嘉尚當隨機論報向事

呈巡營狀

晉州幼學成采奎韓鎮壽鄭光賢謹齋沐再拜
上書于巡相國閣下伏以以下狀辭上同己丑
三月日後幼學河慶七李敦必鄭蘭教曹鎔進
士具述祖李仁吉等八十一員

題音盡倫之行如是卓絕聞極嘉尚而啓聞
體重益俟公議事

上言

草本畱內不出故姑不得錄

禮曹立案

光緒十九年癸巳十二月日

右立案爲孝子旌閭事節 啓下教曹 啓目

貼連 啓下是白有亦觀此吏曹啓目 啓下

者則因慶尚道幼學成采奎等 上言晉州故

學生鄭碩基孝行卓異施以 贈職之典旌閭

一款令禮曹 稟處亦爲白有等以取考其

上言內辭緣則鄭碩基早孤餘生其母孫氏風

眩轉極十年床褥至誠救護滄瀾刀圭不任妻

孥糞穢澣濯必自躬執血誠所格竟能回甦延

齡九十而又其前喪事死如事生墓祭家祀一

遵古禮是如爲白有臥乎所鄭碩基之孝行卓
異旣蒙 貤贈則繼施旌閭之典恐合嘉獎之
義是白乎矣係干恩典臣曹不敢擅便 上裁
何如光緒十九年十二月十三日行右丞省
具 奏祖次知 啓依回 啓施行爲良如教事
判下教是置旌門堅立時材木匠手依例自
官舉行爲有旂其子孫家煙戶還上等諸般棟
役一併蠲除爲遣合行立案者

正郎

佐郎

判書

參判

參議

正郎

佐郎

正郎 佐郎

禮曹關文

觀察使開圻

禮曹爲相考事節 啓下教頃因道內幼學成

采奎等 上言吏曹覆 啓據晉州 贈童蒙

教官鄭碩基孝行卓異施以旌閭之典事自本

曹覆 啓蒙 允爲有置旌門豎立時材木匠

手依例自官舉行之意該牧良中知委施行爲

有旂豎立後形止貼移以爲憑考之地宜當向

事合行移關請照驗施行須至關者右關慶尚

道觀察使光緒十九年十一月日關

教旨

學生鄭碩基 贈童蒙教官朝奉大夫者

光緒十九年七月日

安寶御

孝行卓異 贈職事承 傳

旌閭記

道理本平常自世漸降醇漓而質喪往往做峭
絕偏側駭詭奇特之想以至子之於親也論其
孝者王祥之躍鯉賢於大舜之共職曾子之養
志不如鄆人之刲股於是乎驚世之蹟稀古之祥
不絕於史誌而綽楔之表相望於閭里若夫深

愛純行洞屬然不間須臾以樂其心悅其耳目
而無忝其志事者則漠然不動於慮曰是常也
甚矣人之好奇也其流之弊將相率而競於偽
矣司風化者盍亦反其本哉頃年 朝廷採晉
陽士人鄭公頤基之孝而褒 贈之且 命旌
其閭居蓋將敦本獎實爲教化之基而興行于
一世也於乎躋矣公圃隱先生之遠孫也生數
歲而孤與二兄奉事偏闈家貧漁樵耕採以爲
養便身悅口莫不畢給先意以承志怡顏而服
勞未嘗一刻自逸其侍疾也晝夜不離側蓼木

之煎膏煖之濯必親之不以委人如是者十年
治生甚勤家用以飫則先置祭田于先隴殆遍
又贍及于小宗值先忌齋沐致如在號慕若新
喪三十而後讀小學嘗有詩曰養親耕前野慕
聖讀古書此其自志也以此而一生焉而終始
不衰是其爲行不離於日用之常而至性斯循
盡其道而無憾焉其視一時之黽勉一事之卓
絕者其淺深高下誠何如哉噫朝廷其知所勸
矣式是閭者宜亦知所興行而反天彝之本實
懋日用之平常然後孝悌之至通于神明者始

可得以言矣彼靈符異應之純爛而侈瑰者有之不足以加多無之不足以欠缺也公有子濟鎔賢而克家不幸夭歿其孤仁永追先志而役烏赤于其閭請余識其略于扁敢不辭而爲之說如此用諗于行過者

歲己酉春王正月之日通政大夫前議政府參贊弘文館經筵官兼侍講院書筵官苞山郭鍾錫敬記

告墓文

嗚呼我先考府君至行懿德求之古人渺與倫

此府君在時知舊或以褒薦爲言則府君堅執不可痛加抑制不肖時獲侍立言猶在耳嗚呼今府君之墓木旣拱而公議愈久愈鬱乃以去年夏欲齊顙于道臣仍竊惟念褒揚先烈顯名其親此固人子之至情然惟府君平生之志潑自韜晦不欲求知古人事死如生之道不以存沒有間則不肖安敢違府君之志以重吾不孝乎況今世道淆亂爵賞僭差厚誣旣骨之父祖以圖目前之榮耀者滔滔皆是也不肖又安敢以府君之實行自同於舉世之奔波乎且念使

府君而在及見今日之北亂則亦將囂囂浚入
謝世長往視世所謂富貴者不啻若將浼焉則
沒後 貤贈果何有於府君耶然而公議不息
竟至上徹特 贈蒙教之職兼蒙綽楔之典揆
以府君平昔之志且感戴 君上非常之典悚
惶感激無地措躬伯考府君亦得同 蒙貤典
此固府君平日之所有志也嗚呼尚忍言之哉
當府君臥床之日學弟先府君一月化去而不
肖以府君病勢沉重恐或觸傷遂匿不告萬幸
後府君一年而又化去矣次妹以甲午歲擇德

配於商山金君世榮嘉耦丰茸喜溢門闌纔經
數歲金妹又寡矣禍患若是其酷耶我府君善
育之遺訓尚今炳然而鬼神不仁慘毒罔極此
不肖不孝之罪所以上通于天而萬死不足贖
者也形家以此謂府君幽宅不利嗚呼其果然
耶不肖欲改窆于他所經之屢年不惟其地未
易亂離又從而驅之尚今不果矣小妹以乙未
歲嫁密陽孫君光澤仁永德永今皆善蚤戊子
得夏永頭角嶄然睂宇秀麗此莫非府君種德
之餘蔭而才調卑劣教養無方身且多病不能

專力於學府君期望之志不能萬一報酬則莫大之罪至此極矣狀德之文府君平生韜鑌雖家人子弟不能盡知其德美不肖略以見聞參酌爲文而且念國家既有 貤贈之典則墓道宜有顯刻欲以此謁文于當世之大人先生庶幾不朽府君此皆改定以後事也攀號擗踊昊天罔極嗚呼痛哉

家狀

先府君諱碩基字國瞻號稼軒系出烏川上祖諱襲明麗朝以名儒官止樞密院知奏事至十

六世諱夢周號圃隱當恭愍朝官侍中爲東方
理學之祖謚文忠自是代有聞人至監察諱保
號雪谷 端廟朝以直言忤權貴流丹城歷
贈參議諱允寬 贈參判諱增至兵馬節度使
諱世弼號林軒以清白聞於世八世祖諱暄學
圃號也以行誼薦除靈山縣監築小亭於大坪
之孤山爲晚年藏修之所吾氏之八丹自雪谷
公始居晉自學圃公始也歷三世而高祖諱道
震曾祖諱最益祖諱學采考諱煥駿皆有隱行
妣安東權氏以樞女繼妣密陽孫氏應明女也

以純廟三十年庚寅正月十二日生府君于
大坪舊第孫氏出也府君生而容采峻整聲韻
琅徹自在孩提遊戲動止已與凡兒不同鄉隣
識者皆以遠大許之性至孝數歲而孤侍偏慈
飲食衣服必遵母旨既而以母命自大坪寓於
方丈山中村曰石南家貧無資躬耕養親每事
必先意承志或有過舉委曲微諫苟無大損惟
順曲從晨昏定省無或少懈枕席之設灑滄之
具咸適其宜母夫人嘗患風眩府君至誠侍湯
祈寒暑雨未嘗離側刀圭之役糞穢之滌一夜

百起必以身之一不使家人家人請共之公輒
曰母老且病矣佗時雖欲爲之復可得乎如是
積十年母夫人竟得回甦而府君因疾不起卽
今上二十三年丙戌六月一日也享年五十
七嗚呼尚忍言之哉府君天資簡重動止嚴整
雖少小貧窮不能專力於學力稼養親稍可計
口則便閉戶讀書時年三十有餘先受小學以
膏繼晷或譏之曰晚而喜讀胡若是自苦府君
謝曰在前豈無是心吾如不耕柰父母兄弟何
而今乃讀略知父子之所以爲父子君臣之所

以爲君臣人之所以爲人物之所以爲物雖不能一一循蹈矩規庶幾維持身心不至爲自棄之歸也常愛尚書及曾傳手抄置案昕昀不撤披誦曰隆古治法都載尚書教人之方咸原曾傳嘗有吟曰養親耕前野慕聖讀古書其餘難力致一生此兩居人謂之耕讀翁嘗訓不肖曰欲齊其家先修其身欲修其身先正其心欲正其心先學其書又曰吾平生恨不早學晚始對卷心口不相應叢務間奪固難專力然猶不肯遽止者只要心不昧於大義身不陷於大過也

伯氏教官公有疾一枕兩載府君以養母氏者
養之便體之具適口之味無不竭其誠教官公
嗜川魚府君卽結網日事于川亦不代人隣友
或止之府君曰吾兄嗜此甚一匙之飲非此不
得若使佗人辦之倘得日日供乎如是二載教
官公不淑其治喪凡節必以身親所結網卽棄
之曰吾兄已矣此奚爲嘗患先隴節祀之闕殫
誠竭力買置祭田歲一之祭必誠必慎嘗問小
宗之屢空資給田民小宗卽府君從姪居大坪
相距數舍每慮不足則轉饋餼糧每當先忌齊

沐倉素一遵禮制常以年幼不能服父喪爲平生恨又以不得終養母氏尤眷眷焉兄弟三家同扉共住一物之纖芥一事之周畫無不自檢焉隣里相謂曰友愛當如鄭公常雞鳴而起省于萱堂退而警于家曰雞旣鳴矣起起各授其職家衆不敢違比隣亦視以爲則操身有範御家有法內而妻妾外而婢僕嚴和相濟恩威並行一家之內和氣雍容至於宗族朋友有失必相規有善若已出貧窮憂戚無不周至其待寒士尤加款厚村傍構一小塾揭曰指南架書百

餘卷令子姪輩就學焉勉人家子弟曰人之生也自有其職職在我矣勤勉則人貴之肆逸則人賤之何故以在我之貴見賤於人乎讀書如東作失時則難矣雖雨露潤之糞穢培之力倍而功半豈望有成乎村底有不遵親省者及浪遊好飲者每相戒曰鄭公得無聞知乎府君之見重於人類多如此不肖以其年九月六日權窆于石南村前辛坐之原以其地卑濕且犯五患方營改窆配晉陽柳氏僻隱諱藩之後聖禧之女幽婉貞淑婦德甚備先府君十六年而沒

葬于州西橫溪壬坐之原有一男卽不肖繼配
晉陽鄭氏壩賁之女也有一男一女男早夭女
適商山金世榮側室有一男一女男早夭女適
密陽孫光澤不肖娶晉陽河斗源之女生三男
曰仁永德永夏永弁未冠府君沒後四年己丑
鄉黨閭里咸曰公之孝不可無闡揚於是成某
李某諸公舉其行于方伯方伯聞于朝至癸巳
特贈朝奉大夫童蒙教官命旌其閭配柳
氏例贈令人時世道北亂爵賞僭差至於府
君人以爲宜也嗚呼此豈生前沉塞而死後愈

著者耶仍竊惟念府君所以詒謨垂裕之訓若是其炳然而不肖孤才魯質下性又昏惰及今壯大未免爲鄉里之常人孤負遺訓無地自白不孝之罪至此而極矣第念府君平生一念韜晦至行懿德鮮有知者而獨其炳然爲一世之所共誦者不可無傳且朝家既有 貤贈之典得居大夫之列則樹石墓道納銘幽堂蓋自近古以來未之或廢故不肖粗述所聞將以謁文于當世之秉筆君子以昭告後世伏惟世之君子幸垂憐焉 上三十二年二月上澣不肖孤

濟鎔泣血謹書

遺事

府君嘗語不肖曰性齋許公蘆沙奇公寒洲李公亦近世罕有之君子吾欲遣爾受誨而柰爾年弱何適有以東西異趣辨之者府君正色曰何言也我國曰東曰西是陷人之機阱其在趨向觀其人之如何而已豈以東西言哉此後生初學之所當先戒者也

府君每出八雖當行母夫人不許則輒止曾於大坪省楸之行爲雨滯遲一夕侵晨反面母夫

人讓之曰汝以今朝爲歸期乎府君惶悚不敢起至息怒然後退自是之後罕有出入

歲每遇饑隣比多窮乏度口賑濟不一遺於寡獨尤加憐恤丙子大侵正朝村人多不能供祀府君聞之惕然爲各資其需隣里或有意就學而不能自資者府君必助其糴鹽楮毫而引接之

所居村峽婚娶喪葬出入極窘府君畜一款段一肩輿資其借乘隣里賴免苟艱隣里有喪雖疎賤必匍匐賻問自成常例

府君臨沒不瞑目者三日母夫人諭之曰以余故不忍瞑目耶死生有命柰天何已而瞑目而終

行狀

崔淑民

公諱碩基字國瞻姓鄭氏延日人高麗文忠公圃隱先生十六世孫也圃隱先生實爲東方道學之祖用夏變夷尊信朱子之學論者以我朝五百年文治休明儒賢輩出迄無異端之雜爲先生功至孫諱保號雪谷被韓明澮所構入對上前直言成三問朴彭年正人君子竄延

日移丹城又三世而諱世弼號林軒以慶尚兵馬節度使斬所乘駿馬斥權門之求又三世而諱暄號學圃見嫉於仁弘避地于晉州之大坪里里濱江江上有孤山亭卽其藏修之所與朴允憫諸賢友善於公爲八世祖子孫仍居焉自此名位不振而世守儒行學采最益祖曾兩世諱考諱煥駿妣權氏孫氏公孫氏出早孤奉母夫人八方丈山中躬耕顧養僂身之物適口之旨必備晨昏惟謹祈寒暑雨無或少懈每事先意承順有過委曲微諫於理無害己雖不欲必

曲從之與二兄居一牆之內雖一瓜果必相待
共嘗於母夫人之側以爲樂母夫人嘗患風眩
十年床褥一夜百起刀圭之役糞套之滌必身
之家人請代不許雖取水弄雛之戲苟可以慰
其病情者則爲之母夫人竟得甦公不幸積憊
成祟年五十七而先卒 今上丙戌六月一日
也後四年己丑鄉人以孝聞旌其閭 贈童蒙
教官時世道北亂爵褒僭差至於公人以爲宜
也公性淳慤寡言語動止有常推愛親之心盡
奉先睦族之道先隴守護歲一祭之節必致誠

力爲諸族倡小宗貧不自支則割己業爲祭田
又歲饋糒糧資給焉公家貧晚有室三十後始
別作業縮衣節食至稍有贏餘則閉戶取小學
書讀之窮晝夜親知或譏其時晚公曰豈不知
早讀書事育不暇今幸餐粥可給寧復飽食終
日無所猷爲縱不及希賢希聖略得知父子之
所以爲父子君臣之所以爲君臣人之爲人禽
獸之爲禽獸者而或免爲自棄之歸則於吾分
無亦幸乎恆誦大學及書無逸曰爲學綱條爲
治經法此二書可見也嘗有詩曰養親耕前野

慕聖讀古書其餘難力致一生此兩居人稱爲
耕讀翁村前臨溪築一小塾貯書延師督子姪
課隣里或有意就傳而不能自資者時助蠶鹽
楮毫而引接之日雞鳴起省退勅內外各從其
事遂至塾檢課讀勤慢比閭化之亦無旰眠者
嘗誠子濟鎔曰夫所以讀書欲效其書中所言
之事吾恨不早學汝其勉之以成乃爺之志也
自汝幼時遠近間聞有某丈教授後生吾輒屈
指汝年至幾必送汝學如奇蘆沙許性齋李寒
洲諸丈今皆不及可恨雖然使汝實有可受之

誠亦豈無教汝之人乎汝須早夜無怠所居峽
村貧窶無禮婚娶出八極窘公畜一款段一肩
輿資其借乘隣有喪匍匐問親疎無遺常語
衆人人生有職貴賤在我勤勉則人貴之肆逸
則人賤之人家浪遊子弟相戒畏公知之公元
配晉州柳氏聖禧女繼配晉陽鄭氏壘贊女一
男濟鎔二女金世榮孫光澤濟鎔三男仁永德
永壽永公始葬本洞辛坐之原濟鎔以其卑濕
懼非久計以庚子八月二十日遷奉于州西水
谷里中田村前麓辰坐之原以公行錄授叔民

序次將以求志於作者瑛民辭不能而其請益
懇且念瑛民爲公鄉里姻戚早辱知顧尤有感
於心者公病時瑛民造焉公歡然如平昔顧其
子濟鎔而申申以敦學之意且曰尊先師蘆沙
先生在世時吾亟欲送此兒而年幼未果爲沒
身恨惟吾子憐而收之余時蓋惕然不敢當只
得舉似圃隱先生神道碑中開千眼必有後之
語以慰勉焉至今歷歷在心自後得濟鎔從遊
益源源見其志學彌篤庶幾有以善繼厥考之
志而信圃隱先生之有後也瑛民敢不樂相其

事乃取濟鎔所錄與瑛民所感於心者具著如
右

墓碣銘

金序

許愈

文之南自古多隱君子稼軒鄭公其一也公
諱碩基字國瞻烏川人文忠公圃隱先生其大
祖也中世雪谷諱保監察林軒諱世弼節度使
皆以名節清白聞於世學圃諱暄自丹移于晉
所居濱江江上有孤山築亭爲藏修所終身不
肯仕歷三世而諱道震最益學采卽高曾祖也
考諱煥駿妣權氏孫氏公孫氏出也公生數歲

而孤動作異凡兒甫齠齕隨伯仲奉母夫人寓
於方丈山石南村家貧採拾以爲生稍長勸兄
讀自耕于野一以養親爲職供甘旨無闕先意
承顏未嘗少違非其力不食非其義不取雖在
畎畝中志氣不小挫也晚而有室兄弟三家同
扉而住雖一菰果必聚食于親側以爲樂母夫
人常患風眩十年床茲一夜百起刀圭之役糞
穢之除必身之不許人請代母病幸得良已而
公因疾不起年五十七 今上丙戌六月一日
也後四年己丑鄉人以孝聞旌其閭 贈童蒙

教官時世道淆亂爵褒僭差而至於公人皆以爲宜也公嘗以不學爲恨三十而後始志學先受小學終夜不撤人譏之曰晚學何益公曰讀一字有一字之益何謂無益人而不學不知人之所以爲人也早晚何論愛誦曾傳及書無逸等篇曰爲學綱條爲治經法盡在此書有詩曰養親耕前野慕聖讀古書其餘難力致一生此兩居此二句可以得公平生矣及家力稍紓臨溪築小塾儲書迎師勸課子姪或有志於就傳而力不能者爲之資而接引之每日雞鳴而起

省退勅內外各從其事隣里化之亦無旰眠者
戒子濟鎔曰業成于勤汝其體乃父之志也與
衆人言必曰人生有職貴賤在我勤勉則人貴
之肆逸則人賤之人家浪遊子弟相戒喪公之
知也伯氏教官公有疾一枕兩載公養之如母
氏便體之具適口之味無不竭其誠先壠歲一
祭之節極力置祭田小宗貧不能自支割己業
俾奉祀又歲饋糧以周之每當先忌齋沐食素
以致如在之誠御家有法嚴和相濟一室之內
和氣雍如也凶年饑歲隨力賑濟於寡獨尤加

焉隣里感戴之常畜一款段一肩輿里人之婚

娶喪葬資其借乘此皆公之疏節而其仁心之

周至類如此其佗日用常行蓋多人所難及處

而未及張皇焉公墓始權窆于本村辛坐原後

改葬于晉州水谷里中田村前麓辰坐之原有

遺稿若干配晉州柳氏聖禧女貞淑有婦德墓

在州西橫溪壬坐原一男濟鎔繼配晉陽鄭氏

堽贊女一女金世榮側室曹氏

本昌寧良振女

一女孫

光澤濟鎔娶晉陽河氏斗源女生三男仁永德

永夏永皆就學日濟鎔抱公遺稿造余而言曰

吾先君潛光隱德不可無傳且朝廷既有 賜
贈之典得居大夫之列墓道宜有銘願有以發
撫之也愈不文不敢當然於公竊有所感焉不
敢辭謹撮其家狀大略以爲銘銘曰

採拾以養親江革之流也耕而讀董生之行無
與儔也晚暮好學既得律身而範俗孝悌成家
亦足承先而裕後是敢以銘公之墓知德者自
當知吾言之不謬也

墓誌銘 金序

郭鍾錫

公諱碩基字國瞻系出烏川高麗知奏事襲明

之後也麗季有圃隱先生諱夢周爲東方理學
之祖謚文忠配食夫子廟其孫諱保號雪谷官
監察爲魯陵守義謫丹城未歸六世而有學
圃諱暄以行誼薦授靈山縣監始居于晉公之
八世祖也曾祖最益祖學采考煥駿俱不顯妣
安東權氏父以樞密陽孫氏父應明公孫氏出
也以純廟庚寅生生數歲而孤家貧不能給
與二兄奉孫孺人八頭流山下漁樵耕稼以爲
養僂身適口罔不備先意承顏服勤無方勸二
兄讀書自任以治生非其力不食非其義不取

得一味兄弟聚食于親前怡怡以爲悅孫孺人患痼疾公晝夜不離爐罐侯煎脰帚濯穢必身之不以委人如是十年竟致復常勤儉爲政家力稍裕則遍置位田于先隴歲時不乏祀小宗貧則割己業以贍之遇先忌齊沐蔬素以致如在凶年饑歲傾儲賑濟旣無吝情亦無德色皆人所難也常以不學爲恨三十後始受小學誦習不撤或譏之曰晚學何益公曰讀一字有一字之益何爲無益學者學爲人也早晚何間焉嘗有詩曰養親耕前野慕聖讀古書自號稼軒

蓋志實也築小齋序書延師以教子姪戒之曰
業成于勤爾其識之壽五十七而終鄉人舉其
行于朝贈童蒙教官旌其閭公娶晉陽柳氏
士人聖禧女舉一男濟鎔篤學敏行克承詒謨
再娶晉陽鄭氏夫人壘贊女生一女適金世榮
側室有一女歸孫光澤濟鎔三男仁永德永夏
永一女幼公之墓在州西水谷里中田之洞辰
原顯刻已具獨幽誌闕焉今濟鎔不幸短命矣
臨歿呼曰可亟謁於茶田而後始葬我其孤以
告余嗟咽久之不忍負化者囑也遂爲之銘曰

蚤而職爲子盡子晚而學爲人做人惟職與學
咸集于勤彼坎坎兮君子之不素殫芳王樹之
風迺旌爾門亦旣颺黃泉塗之芬銘以貴幽諡
于千春

墓表

金鎮祐

公諱碩基字國瞻鄭氏出烏川高麗樞密院知
奏事襲明其先也麗之亡也有圃隱文忠公先
生諱夢周理學節義爲東方百世儒宗其子曰
宗誠仕本朝官吏曹參議孫曰保爲殿中
莊陵六臣之死以言獲罪遷之丹城一子仍居

焉是曰允寬生員

贈參議參議生增虞侯

贈參判無子以伯兄司勇堅之子世弼爲嗣官
至兵馬節度使清白有大節名於世三傳至暄
號學圃始以儒行起徵爲靈山縣不就終老
於晉之孤山亭其玄孫曰道震公之高祖也曾
祖諱最益祖諱學采考諱煥駿妣安東權氏以
樞女密陽孫氏應明女公孫氏出也生于純
廟庚寅正月十二日歿於今上丙戌六月一
日得年五十七嗣子濟鎔以其年九月六日奉
襄於所居石南村前負辛原公生有異質遊戲

不苟愛親有至性蚤孤既無所於致孝竭力於
事母苟有適母意者輒不有其身然家貧無資
乃以母氏命僦方丈山中耕稼以爲養雞鳴而
起問起居警家衆未嘗以無事棄一日亦不敢
以墮行忝一人如是十數年貲財稍饒甘毳之
之餘補護周親振施鄉隣皆得懽心山中人至
今稱之母夫人嘗患風眩公晝宵懇惻藥餌糞
除必手爲之家小請代則曰事親豈可使人爲
之又事兄如養親兄教官公病嗜川鮮公結網
以繼之者二年兄沒不復漁公年過而立始知

讀書咿唔不輟或譏其晚而無及曰貧則耕以供子
職力有餘則以學文來日獨不足惜耶於古文尚書
曾氏大學尤愛誦甚習嗚呼公之質行可謂閨門
之賢秀而混混鎡采於山澤間又不克壽以永譽
惜也然沒之八年州之士舉其至行刺史聞于
朝贈官童蒙教官聚土以旌爲善之報或在是
歟公元配贈令人晉陽柳氏聖禧女先公十六
年歿幽婉有婦德生一男卽濟鎔有志行克家繼
娶晉陽鄭氏壩贊女封令人生二子男早夭女適
商山金世榮二歲世榮又短命側室有二子男不

育女嫁密陽孫光澤濟鎔生三男仁永德永夏永
日濟鎔以公行歸過余麗澤堂泣請墓文余以通
家義不獲辭遂最其行以表之

傳

曹兢燮

公諱碩基字國瞻故延日人而文忠鄭先生之
後後凡三徙而居于晉則自學圃諱暄始也學
圃公以薦授縣監晚築孤山亭于大坪之江上
以老焉其山水之勝甲於晉公處士諱煥駿季
子卽幼孤而有長者相及長從太孺人孫氏與
二兄而僦居方丈山下石南村其地瀕絕峽以

貧不能養躬爲之家甚力旣而家稍稍治矣於是太孺人極滋味以安而衆兄弟并居同餐甘絕而少分矣太孺人劇苦風眩公手注藥除穢不許家人代或一夜數十起如是蓋十年太孺人良已而公於是乎成疾矣每有適不得命不可嘗雨而過復期仍終身不輕出伯兄有疾且二歲公自獵川魚以供曰兄所嗜也及沒爲斷其網里中者皆曰事親友兄當如鄭耕讀翁蓋公三十而業小學不須臾撤人曰可以益乎公曰學此知所以爲人奚啻其有益喜誦大學無

逸曰爲治與學咸在是矣恨吾之不蚤力也人爲是稱公爲耕讀翁云有詩曰養親耕前野慕聖讀古書其餘難力致一生此兩居其言朴而信識者以爲斯足以觀公公身立產而輕爲義先隴艱奠掃爲置祭田繼祖之宗告不足則割已而爲之所恤窮隣庇寒士各有倫理爲村塾以處學者而蓄書若紙筆之類資其甚不能具者雖養輿馬而人之有婚葬者借之如其取官中焉未明而起勅內外各從其事曰于人生之不職是自求賤也蓋子弟之事遊嬉者益衆且不職

服矣公嘗語子曰業成于勤若其不怠若父某
與某皆斯文先覺今沒矣惜乎若不及其存也
雖然在若之志不耳不憂無教若人也公竟以
年五十七先太孺人卒卒而猶視太孺人撫之
曰豈以我耶死生命也可如之何哉乃瞑今
上癸巳以羣士請得 贈童蒙教官旌所聞如
甲令子濟鎔有文行已知名連舉三男仁永德
永夏永其二人已冠亦秀朗可愛也

昌城曹兢慶曰古稱資質不如學問予竊恠今
之讀書亦學也而何能行其知者少耶或行矣

而率多疆勉校計其誠確而自然不能美資稟者若也何由其然也夫鄭公雖未學其跡雖未甚著要之晚而愈篤沒而愈彰有以哉斯其謂之學矣亦宜其有後哉

重修指南齋記

方丈之南爲洞府者十有二德山洞最著洞之中多名區異境石南村其一也村之右麓翼然臨溪而堂者曰指南齋烏川鄭公稼軒翁所築也歲久頽圯其嗣子亨槽父卽其故址而重新之屬余記其事余辭旣不獲則請所以名齋之義

亨槽父之言曰先君早孤失學克勤克儉能成
立有家晚喜讀書以小學侏畢生家計是以居
家而以孝悌聞處鄉而以恂謹著律已有法處
事有度皆得於小學者然也嘗曰小學是吾道
之指南人之爲道而不由乎此是北轅而欲適
越也吾恐其疲於道塗而終不得達也晚築是
齋因地名而扁之以此者蓋有取爾也不肖惟
失墜是懼子其書之俾幼子童孫有以知我先
君之所命而百世毋敢忽也余敬對曰大哉先
大人所以名齋之義也自文僞興而實學廢天

下之士惟詞華是尚而立教敬身明倫之篇爲無
用之棄物久矣先大人獨是之取焉可謂知所
本矣然先大人旣以小學爲指南則爲先大人
後承者又當以先大人爲指南也余幼時及拜
先大人於州學見其忠厚樂易子諒豈弟中心
悅而誠服也今日乃知有本者如是矣亨槽誠
能居是齋讀是書使先大人所以裕後者不墜
於地君以是傳君之子君之子以是傳君之孫
愈久而勿替則繼述之孝孰有大於此者乎噫
今天下大霧塞矣前津迷矣亨槽誠能以所得

乎先大人者舉而措之以指當世之迷方俾歸
于正則先大人名齋之義於是始大矣亨櫓勉
之吾將秣馬膏車以從子乎山之中也旃蒙之
歲復月下浣文山韓愉記

跋

右故 贈朝奉大夫童蒙教官稼軒鄭公實記
一卷公之世德隱行諸賢所述狀碣詳矣無待
乎言也至夫養親耕前野慕聖讀古書公題壁
上詩云爾余讀之未嘗不歎息久之嗚呼孰不
爲耕養親耕之本也孰不爲讀慕聖讀之要也
公生數歲而孤事偏慈甚得歡心其侍疾也或
一夜數十起如是者十年公沒州人士以公聞
于 朝贈官而旌其閭公可謂能養其親矣公
自以不學爲恨年三十而始受小學人有譏其

晚學公曰人而不學不知所以爲人愛讀曾傳
及無逸書曰爲治與學盡在是公可謂知慕聖
人矣能養其親則孝矣其耕爲養親豈殖貨資
生之謂乎知慕聖人則賢矣其讀爲慕聖豈欺
世耀名之謂乎蓋養與慕雖二事維其有慕之
之工是以盡養之之方其理未始不相須也子
夏有言事父母能竭其力雖曰未學謂學矣公
實有焉公子濟鎔君嗜學甚文與余善嘗辱問
余以實記序余諾之未能而君遽下世其遺胤
仁永德永克追父志將剞劂以傳世迺來乞言

余不忍負匹友囑也遂愴涕爲之說如此己酉
冬月日南至晉山河謙鎮謹書

嗚呼王考稼軒公沒世之幾年我先君子哀輯
其詩文若干篇及朝家褒贈事實并諸賢挽
誄狀碣誌銘諸文字爲一卷將沐梨以詔後不
幸於丁未之冬先君子又捐世嘻王考公佳言
至行在人耳目固無待於實記也先君之欲汲
汲於表章之何也人道莫大於親親堯舜之盡
其性而孟子之稱之則曰孝弟而已矣此天之
綱民之彝也而自先王之教之衰此道無聞焉

中華而裔夷人類而禽獸無恠爾也於斯時也
王考公實記可無作耶是非止一家之惇史也
使人人知讀是書有以感發興起於親親之仁
則世道庶有補矣此先君之志也先君學道四
十年行成名立蔚然爲儒門翹楚苟求其原則
莫非我王考公義方之攸及也如先君子久於
世則益有以闡揚其德美光大其事業宜無有
餘憾而天之不吊齎志而未就可勝歎哉不肖
孤懼夫世愈遠其事愈忘謹取巾衍藏者付諸
剞劂其編次已例不敢移易先君之手跡嗚呼

是可曰繼人志云乎哉姑以此自勉焉不肖孫
仁永泣涕敬識

稼軒實記卷之二

**This book should be returned to
the Library on or before the last date
stamped below.**

**A fine of ten cents a day is incurred
by retaining it beyond the specified
time.**

Please return promptly.

FOR USE IN
LIBRARY
ONLY

CT
1848
C55K33
1909

RESTRICTED SHELF